

49

PRONOSTICOU



NOSTRADAMUS.



GUIR BOLTRET

MICHEL NOSTRADAMUS,

● LABOURAT VAR EFFEJOU AN ASTROU.

G U Ï R

PRONOSTICOU

AN DEN SAVANT MEURBED

MICHEL


NOSTRADAMUS,

EVIT NAO BLOAS,

*E pere e vezo gullet ar bloaveziou founnus pe
disfroues, temps an ear, priz an Ed, ar Guin,
ar Gloan, al Lin, ar C'hanap, ar Patates,
hac eus a bep seurt Marc'hadourezou all;
evit utilite bras al Labourien, etc.*



Troet eus an Imprimet gallec e Valanç,
e ty P. Massacr, ru an Ifern,
Hac a gaver e ty LÉDAN, e Montroulez.



EPITAFEN

MICHEL NOSTRADAMUS,

Astrologian ha Mathematician.

AMA e repos relegou an den savant meurbed MICHEL NOSTRADAMUS, a behini ar bluen aour ha cazi divin a zo bet a bep amzer estimet dign da draci d'ar bed oll, herves pouvoar an Astrou, an isçuou da zont dreist ar rond eus ar bed universel.

Guenel a eure er guær a Sant-Remi, er Provanç, d'ar yaou ar 4 a vis Qerzu 1503, da 3 heur eus ar mintin, eus a Jacques Nostradamus, Noter, hac eus a Renea Sant-Remi.

Mervel a eure e Solon-du-Craux, er Provanç, ar 5 a vis Even 1566, cazi d'ar sav-eol, oaget a 63 vloas 6 mis 1 devez 23 minut 10 second.

Ur mis qent mervel, e tioue'hanas e varo dre ar c'homzou-mâ : *Hic prope mors est* ; da lavaret eo : Amâ tost e ma va maro.

Predictionou general evit ar bloa 1832.


AR Gouân a vezo divezad ha glaoec. Beza e vezo calz a erc'h, hac e chommo pell var an douar. Al loened gouez a vezo qen affamet, ma vezint guelet a vandennou oc'h antre er c'hreyer da zevori ar chatal. Tud memes o devezo ar maleur da veza devoret ganto.

Commançamant an Nevez-Amzer a vezo yen; ar c'hreiz a royo deomp un nebeut grizill, hac ar fin a vezo tom, arneüs ha glaoec bras.

An Hân a vezo eus un domder dreist-muzur, ar glao bras meurbed, ar grizill, ar gurun hac al luc'hed a vezo peur liessa. Qen tom e vezo, m'o devezo an anevaled poan o caout dour ha paturach; an douarou a vezo qer sec'h, m'o devezo an ear ous un desert. An eol a vezo qer tom, ma renco ar beacherien bale en nos, evit tec'hel eus an domder vras.

An Discar-Amzer, en e gommençamant, a vezo qer tom evel an hân, ar pezh a rayo d'an cost beza rostet. Ar c'hreiz a vezo un nebeudic frescoc'h, exceptet ur vrumennic benac. Ar fin a vezo rust, ha clâvus. An cost a vezo pell da veza mad.

An edou, ar gist, hac anfin, an oll varc'hadourez a vezo gouell guer.



Predictionou evit ar bloa 1835.

AR Gouân a vezo goual disagreepl; e gommançamant a vezo scornec, carguet a frim hac a erc'h; ar bleizi a rayo un nebeut ravach var ar meaz, dre na ellint caout nep bevanç, abalamour d'an erc'h bras a vezo var an douar. Ar c'hreiz a vezo glaoec, ar pez a vezo caus eus un discorn spontus. Ar fin a royo deomp calz a avel, pehini a boulsou an doureyer; beza hor bezou ivez un nebeud scorn, pehini a vezo favorabl da vadou an douar.

An Nevez-Amzer a vezo passablamant caer, ha profitabl da oll vadou an douar. Ar c'hreiz a vezo un nebeud mesquet eus a c'hlaou mad-oberus. Ar fin a vezo qen agreabl evel ma eller resonablamant en esperout.

An edou o devezo un apparanç gaer; ar glao a c'hoarvezo pa vezint e fleur, na noazint get outo gement evel ma sonjot.

Beza hor bezou un Hân tom aoüalc'h; arneou stanc gant glao pounner; ar gurun a vezo clêvet avisiou; gouscoude an eost na souffro netra a guementse; beza e vezo er c'hontrol mad bras.

An Discar-Amzer a vezo passablamant caer, daoust ma vezo avel incommod ha brumen, ar pez a vezo caus a glénvejou. Calz tud a varvo.



Predictionju general evit ar bloa 1834.

AR Gouân a vezo counabrus en e gommançamant. Ar c'hreiz a vezo teval, yen has enous. Hir e vezo; al loened na gavint paturach nemet gant calz a boan, gant an deoder eus an erc'h a vezo var an donar.

An Nevez-Amzer a vezo passabl en e gommançamant; an ear a vezo douç. Ar c'hreiz a zisquezo deomp ar c'hampagnou qen caer evel ma ellet en dezirout. An dud divar ar meaz a velo gant admiration an natur ous en em ornî eus o fareür, hac'al lapoucedigou o nevezio c'hannoue nnou a joa, evit celebri an distro eus an amzer gaer. Ar fin a royo un nebeud glao convenabl d'an oll greuniou.

An Hân a vezo tom bras en e hed, ar peza vezo caus da un nebeud terzien ha d'ur c'hlenved all benac. Arneü terrubl a vezo, ha grizill pehini a rai ravach e costez ar c'hus-eol.

An Discar-Amzer a baeo gant usur d'al labourer inginus al labour en devezo bet grêt er sesoniou all. An edou a rento en un nombr estonus.

Er bloa mâ an demeziou a vezo nombrus hac eurus.

Batimanchou a arruo eurusamant er pors.

Ur c'hélou mad a gargo an oll a joa.

Predictionou general evit ar bloa 1835.

AR Gouân a vezo variant er gommançamant, dre scorn du, erc'h ha brumen. Ar c'hreiz a vezo sujet da dempest ha da scorn calet. Ar fin a royo deomp calz a c'hlao hac a erc'h, ar pez a vezo caus da zic'hlamou dommajabl bras d'an neb a chom var bord ar rivierou. Ar becher en devezo calz da souffr.

An Nevez-Amzer, en e gommançamant, a royo deomp un nebeut frim ha caouajou glao evit peur-achui da zissipa rigor ar gouân. Ar fin a vezo caer ha favorabl da vadou an douar.

An Hân a royo deomp, en e gommançamant, un domder favorabl benac. Ar c'hreiz a royo glao, luc'het hac un tarz curun benac; hep ober gaou. Ar fin a vezo mad d'an eost.

An Discar-Amzer, er gommançamant, a vezo caer meurbed, mes sujet da chenchediguez, pere gouscoude a royo un amzer favorabl evit an eost, hac a vezo abundant bras. Ar c'hreiz a royo avelioug foll, brumennou pere a ocasiono meur a seurt clénvejou. Ar fin a vezo glaoec.

Ul loen furius ha sauvach a rayo calz a ravach en ur brovinc.

An neb o devez chatal a dle gemer soign outo, rac calz a vleizi vo er bloa-mâ.

Predictionou evit ar bloa 1836.

AR Gouân a vezo rust, hir hac enouus bras; An erc'h a vezo pell bras var an douar, mes ar c'heuneud na vezo qet qer.

An Nevez-Amzer a vezo caer aoüalc'h en e gommançamant; gouscoude e vezo variet dre un nebeut scorn. E c'hreiz a royo deomp grizill alies; ha var e fin e couezo calz a c'hlaou.


Ar c'hanap hac al lin a vezo muïoc'h abundant eguet na dleyet credi.

An Hân, en e gommançamant, a vezo tom moderet, gant un nebeut glao mad-oberus. Ar c'hreiz a vezo douç ha moderet. Ar fin a vezo tom brao evit meüri an eost, pehini a vezo abundant, ar pez a rai d'an edou.beza guelloc'h marc'hat eguet er bloaveziou diaroc.

Un demezi eus an estonnussa a rayo calz a vrud en Europ.

An Discar-Amzer a royo deomp un domder benac, pehini, pell da noaz, a veüro ar rezin. Er c'hreiz hor bezo ur vrumen benac, hac ar fin a vezo humid gouell alies.

Ar C'hommerç a yélo erfat, ha calz a lestrou eus an Indes a erruo en hor bro, carguet eus a bep seurt marc'hadourez.



Predictionou general evit ar bloa 1837.

AR Gouân a vezo yen, coumoulus hac humid, An avel Mervent, vardro ar c'hreiz, a zigaço deomp scorn, fimm hac ere'h, pere a chommo pell-amzer var an douar.

An Nevez-Amzer a vezo douç, tamperet, ha mad evit labouriou an douar. Ar Piz, ar Fao, an Harico a vezo deus ar guella çalite. Gallout e vezo hardimant o lezel da zec'h hac oc'hontservi evit o hada er blaves varlerc'h, rac produi a rint calz coulz hac ar patates.

A Hân, peguement benac ma vezo humid, na vezo qet nebeutoc'h favorapl da vadou an douar. Uu arneu benac a vezo, hac an avel a vezo gouell grén; mes daoust da guementse, an edou a vezo caer ha founnus.

Ar bloa-mâ ar C'homerç a brospéro calz; guelet e vezo ul labour continuel er porsiou-mor, rac a bep lec'h ec'h arruo hac e partio calz a vatimançhou.

An Discar-Amzer a vezoç er caer ha ma elfet en desirout. An eost a vezo çen abundant, ma vezo gant calz a boan cavet hircher aoüalc'h da zestum an edou a broduo.

An amzer a vezo commod meurbed evit an hada, ha çün Bourdel a erruo en abundaç en hor porsiou-mor. Listri an Douar-Nevez, a ereuo en hor bro.

Predictionou general evit ar bloa 1838.

AR Gouân a vezo hir ; an ere'h a chommo
 Apell bras var an douar ; ar glaoyou bras a
 laqayo ar rivierou da gresqi spontus ; ar fin a
 vezo gouel enouus.

An Nevez-Amzer, a vezo qer caer, m'en em
 gredo an dud eu ur barados. Ar gouez frouez
 a royo ar c'haera esperanç ; ar prajeyer a vezo
 qer caer, ma saillo al loëned gant joa, ar pez a
 rento an dud laouen ; mes ar sinou caer-se a
 dremeno prest, rac an ed a vezo suillet gant an
 arneou frecant a deuyo demp eus an Nord.

*An neb a vezo bet prudant aouialch o devezo
 grêt pourvision doubl er bloa aroc.*


An Hân a vezo qer tom, na gavo ar beacher
 ul lom dour da stanca e sec'hed, nemet gant
 poan ; ar frouez a zisec'ho qent meüri, ar güin
 hac ar gistr a vezo gouell guer.

Clévet e vezo comz eus ur grenamant douar.

An Discar-Amzer a vezo favorabl evit destum
 an nebeud ed a vezo achapet ous an amzer fall.

*Aruout a rayo en porsiou-mor, nombr bras a
 vatimanhou carguet a varc'hadourezou eus an
 eneziou, ar c'hommeç a brospéro.*

*Nombr bras a zemeziou a vezo, ha casi tout a
 vezint eürus.*



Prediction general evit ar bloa 1859.

AR Gouân a vezo divezad, clénvedus er gommançamant ha sujet d'ar rhem, etc., dre an avelou Nord a rëno er c'hreiz, ha na cessint nemet goude beza guennët ar c'hæriou hac ar c'hampagniou eus a un erc'h qen teo, ma coumeto al loened gonez calz ravach, defot boaed, hac a viro ar beacherien d'en em laqat en hent. Ar fin a vezo scornec, gant frim ha glao.

Commançamant an Nevez-Amzer a vezo caer passabl. Ar c'hreiz a vezo mesqet a c'hlaou mad-oberus; e fin tom hac arneus. Al luc'hed hac ar gurun a vezo guelet ha clêvet alies.

An Hân, er gommançamant, a vezo agreabl, avichou un nebeud glao bian a rayo profita an edou, a vezo sclear, mes an damoezennou hir ha founnus a c'hreun. Gouscoude e vezo calz a ed dêved. Ar guiniz du a vezo abundant, amzer an hada o veza en em gavet commod. Didomagi a rint al labourer eus e oll boaniou.

An Discar-Amzer a royo da goumanç amzer sclear. Ar c'hreiz cazi memes tra, sepet ur vrumen benac. Ar fin rust ha sujet d'ar c'hlénvejou. An abundanç a frouez a vezo caus d'ar fluz, etc. Laqit eta evez mad.

Ar C'hommerç a vezo florissant.

Predictionou general evit ar bloa 1840.

AR Gouan a vezo humid ha tenval er gommançamant. Ar c'hreiz a zigasso avel reter, a burifio an ear. Ar fin a royo deomp un amzer erc'h lia scornec, gant grizill hac avel.

An Nevez-Amzer a vezo agreabl aoüalc'h er gommançamant. Ar c'hreiz a ziscuelo ar parqeyer hac ar prajeyer qer caer ha ma eller en desirout. Ar fin a rayo deomp ancounac'hat antieramant ar rigor eus ar gouân tremenet.


An Hân a vezo tom, mes eus a un domder tamperet, a betra e c'hoarvezo un eost abundant. Evit ar pezh a sel ous an ear, an arneou a vezo terrubl abalamour d'ar grizill, pehini a zistrujo calz a blant varzu ar c'hus-eol; mes ar vro-mâ na zouffro netra eus a guementse.

Ar c'hanab hac al lin a brospéro calz er bloa-mâ.

An Discarg-Amzer a royo deomp un amzer favorabl evit dastum an ed, pehini a vezo en ur gantite qer bras evel ma eller en desirout, ar pezh a rayo dezàn diminui a bris.

Guelet e vezo, e commançamant ar bloa calz a sinou en ear. Meur a hini a sponto o sellet outo.

FIN AR PRONOSTICOU.



AVERTISSAMANT

*Necesser bras da bep den, evit ober abred
pourvision e dieguez, observet gant tud ancien.*

Ober pourvision ed ha dillad e mis Guengolo.

Ober pourvision güin e mis Du.

Ober pourvision queuneud hae amann e
mis Mae.

Ober pourvision qic da sala e mis Qerzu.

Ober pourvision froues e mis Eost.

Ober pourvision pesqet e mis Guenveur.

Ober pourvision heaul ha soa e mis Here.

Prena neud e mis Meurs.

Prena Qezec, eugenet, saout ha denved e
mis Ebrel.



PREDICTIONOU EVIT PEB MIS.

GUENVEUR.

Meuragueguin en em orno eus a blun ar pâin.

C'HUEVRER.

C'hoarigaerevitur menezohenelullogoden.

MEURS.

Fin terrubl eus a un den brudet bras.

EBREL.

Crenamant douar, apparition ur menez tân.

MAE.

Tempest var vor. Fin gloriüs un den puissant.

EVEN.

Stereden losteq. Aoun hep droue.

GOUERE.

Action gaer eus ur soudard yaouane.

EOST.

Eureou sod, hac a blich d'an den.

GUENGOLO.

Boneur ha maleur. Evelse e za ar bed.

HERE.

Chanchamant bras e meur a dra.

DU.

Nep a zer e lagad d'ar maleur, a grio d'e dro.

QERZU.

Brud brezel ha c'hoant peoc'h.

